

Morning Regional Dogri News Bulletin, 30 June 2024

मार्निंग डोगरी न्यूज़ बुलेटिन, समें. 09.20 Hrs

<><><><><><>

Headlines

- 1- भारत नै आई.सी.सी पुरू क्रिकेट विश्वकप 2024 जिती लैता ऐ। भारत नै दक्खनी अफ्रीका गी फाइनल च हराइये 11 साल बाद एह कामयाबी हासल कीती।
- 2- प्रधानमंत्री नरेंद्र मोदी होर आकाशवाणी पर अपने मन की बात कार्यक्रम च अज्ज बड्डलै लोकें गी संबोधित करंगन। त्री बारी प्रधानमंत्री बनने मगरा मन की बात च उंदा एह पैहला संबोधन ऐ।
- 3- श्री अमरनाथ जी दी यात्रा दे पैहले दिन 13 ज्हार शा मते तीर्थ यात्रिएं पवित्र गुफा च दर्शन कीते। यात्रा दा त्रिया जत्था 6 ज्हार 619 तीर्थ यात्रिएं गी लेइए अज्ज जम्मू थमां रवाना होआ।
- 4 उपराज्यपाल मनोज सिन्हा होरें आखेआ जे एनसीसी, असेंगी शानदार भविक्खै आस्तै एकता बनाई रक्खने दा संदेश दिंदी ऐ।

T-20 World Cup

11एं बरें थमां वैश्विक सतह दी ट्रॉफी हासल करने दी भारत दी निहालप कल रातीं उसलै खत्म होई गई जिसलै रोहित शर्मा हुंदी अगुवाई आली भारती क्रिकेट टीम नै Kensington oval च मर्दे दे आइ.सी.सी टी-20 क्रिकेट विश्व कप 2024 तैहत दक्खन अफ्रीका गी 7एं रन्जें कन्ने

हरइयै शानदार जित हासल कीती। पैहलें बल्लेबाजी करने दा निर्णय लेंदे होई विराट कोहली दे 76एं ते अक्षर पटेल दे 47एं रन्जें कन्नै ीारत 20एं ओवरें च 7 विकटां मोहाइयै 176 रन्ज बनाइयै मजबूत स्थिति च हा। एह अजें तगर मर्दे दे टी-20 विश्व कप च कुसै बी टीम आस्सेआ फाइनल च बनाए जाने आले सब्भनें शा मते रन्ज न। 177एं रन्जें दे लक्ष्य दा पिच्छा करदे होई दक्खन अफ्रीका 8 विकटां मुहाइयै छडे 169 रन्ज गै बनाई सकेया। दक्खन अफ्रीका दे .. नै 52 रन्ज बनाए। भारत आस्तै हार्दिक पांडया नै 3 विकटां लेइयां जिसले के जसप्रीत बुमराह ते अर्षदीप नै 2-2 विकटां डोआइयां। विरोट कोहली गी उंदी शानदार पारी लेई मैन ऑफ दा मैच घोषित कीता गेआ। जसप्रीत बुमराह गी 8एं मैचें च 15 विकटां डोआने ते 6 थमां हेठली दर पर रण रेट देने लेई प्लेयार ऑफ दा टूर्नामेंट घोषित कीता गेआ। भारत दे महान क्रिकेटर विराट कोहली ते रोहित शर्मा होरें टी-20 विश्व कप दो बारी जितने मगरा कल टी-20 अंतरराष्ट्रीय थमां सन्यास दी घोषणा कीती। जित दे किश गै मिंटें मगरा कोहली नै अपने सन्यास दी घोषणा कीती। भारती कप्तान रोहित शर्मा होरें मैच मगरा इक आधिकारिक प्रेस कांफ्रेंस च अपने सन्यास दी घोषणा कीती। राष्ट्रपति, उप-राष्ट्रपति ते प्रधानमंत्री होरें भारती विश्व कप जितने पर मुबारकबाद दिती ऐ। राष्ट्रपति द्रौपदी मुर्म होरें इक शाबाश टीम इंडिया-असें गी तुंदे पर मान ऐ। उपराष्ट्रपति जगदीप धनखड़ होरें इक सोशल मीडिया पोस्ट राहें आखेआ-टी-20 दी शानदार जित कन्नै भारत दे हौसले बुलंद न। प्रधानमंत्री नरेंद्र मोदी होरें अपने स्नेहे च आखेआ, देसै गी भरती क्रिकेट टीम पर बड़ा गौह ऐ। उनें आखेआ एह मैच ऐतिहासिक हा।

<><><><><><>

PM-MKB

प्रधानमंत्री नरेंद्र मोदी अज्ज बड्डलै 11 बजे आकाशवाणी पर मन की बात कार्यक्रम च देश-विदेश दे लोकें कन्नै अपने विचार सांझा करंगन। एह हर म्हीने रेडियो पर प्रसारित होने आहले कार्यक्रम दी 111मीं कड़ी होग। एह प्रोग्राम आकाशवाणी पर हर म्हीने प्रसारित कीता जंदा ऐ। प्रधानमंत्री दे तौरा पर नरेंद्र मोदी हुंदे आस्सेआ लगातार त्री बारी संगंध चुक्कने मगरा एह पैहला मन की बात कार्यक्रम होग। इस प्रोग्राम गी आकाशवाणी ते दूरदर्शन दे समूलचे नेटवर्क पर प्रसारित कीता जाग। इस कार्यक्रम दा आकाशवाणी समाचार, दूरदर्शन समाचार प्रधानमंत्री हुंदे दफ्तर ते सूचना ते प्रसारण मंत्रालय दे यू-ट्यूब चैनलें पर लाइव प्रसारण कीता जाग। प्रसारण मगरा क्षेत्रीय भाषाएं च बी प्रसारण कीता जाग।

<><><><><><>

Chief of Indian Army

लेफ्टिनेंट जनरल उपेंद्र द्विवेदी होर अगले सेना प्रमुख होंगन। ओह जनरल मनोज पांडे हुंदी थाहर लैंगन। इस म्हीने दी 26 तरीक गी उंदा कार्यकाल पूरा होआ रदा ऐ। उधमपुर आधारित उत्तरी कमान दी जेड़ा अगुवाई करी चुके दे ऐ, ऐसा सेना प्रमुख 16 बरें दे वक्फे परैंत बनारदा ऐ। इंदे थवां पैहले उत्तर कमान च सेवा देई चुके दे जनरल दीपक कुमार होरें पैहली अक्टूबर 2007 थवां 31 मार्च 2010 तगर सेना प्रमुख दे तौर पर अपनियां सेवां दितियां हियां।

<><><><><><>

Ladakh

लद्दाख च टॅक युद्धाभ्यास करदे होई चानचक्क हाड आई जाने करी इक्क जेसीओ समेत पंजें फौजियें दी मौत होई गई। एह घटना असल नियंत्रण रेखा कोलल दौलत बेग आल्डी च पेश आई ऐ।

<><><><><><>

DC-Jammu

जम्मू दे डिप्टी कमिशनर Sachin Kumar Vaishya होरें जिले च हाडें दी तैयारियें दा जायजा लैने लेई कल लग्गी दी इक मीटिंग दी अध्यक्षता कीती। इस मीटिंग च अतिरिक्त जिला विकास कमिशनर शेर सिंह, सिंचाई मैहकमे दे इंजीनियर, म्युनिसिपैलटियें दे प्रशासनिक अधिकारी ते होर मुतल्लका अफसर शामिल हे। डिप्टी कमिशनर होरें मुतलका मैहकमें गी निर्देश दिते जे ओह पानी किट्ठा होने दी शेंका आहली थाहरें दी पैहलें गै सूची बनाई लैन ते इलाके च जाइयें एहतियातन उपा करन।

<><><><><><>

CBI-NEET

केंद्री तफतीशी ब्यूरो सी.बी.आई नीट अंडर गैजुएट इम्तेहान च कथित बेकायदगियें दे सरबंधें च अहमदाबाद ते गोदरा जिलें समेत गुजरात च सतें बक्ख-बक्ख थारें छापे मारा करदी ऐ। सीबीआई नै इस मामले च वीरवारें पटना सवां दऊं जनेंगी गिरफ्तार कीता हा।

<><><><><><>

Amarnath Ji Yatra

श्री अमरनाथ जी दी सालाना जातरा दे पेहले ध्याड़े कल 13 जहार कोलामते श्रद्धालुएं पवित्र गुफा च मत्था टेकेया। श्रद्धालुएं लेई सुरक्षा दे निग्गर इंतजाम कीते गेदे न। तोआई जम्मू दे भगवती नगर आधार शिविर सवां 6 जहार 619 तीर्थ यात्रिं दा त्रिया जत्था कश्मीर घाटी लेई रवाना होआ। इंदे च 5 जहार 143 मर्द, इक्क जहार 141 महिलां, 18 बच्चे, 241 साधु ते 76 साध्वियां शामिल हियां। 2 जहार 781 यात्रु बड्डलै 3 बज्जियै 50 मिनट पर बालटाल सवां रवाना होए। 3 जहार 838 श्रद्धालुएं दा जत्था बड्डलै पौने 5 बजे पहलगाम सवां रवाना होआ। एहदे कन्नै अमरनाथ गुफा जाने आहले जम्मू आधार शिविर सवां रवाना होने आले तीर्थयात्रुएं दी गिनतरी 15 जहार 251 होई गेई ऐ।

<><><><><><>

LG-NCC

उपराज्यपाल मनोज सिन्हा होरें कल रंगरेथ च ... दे रेजीमेंट केंद्र च एनसीसी दी सीनियर विंग दे कैडेटें गी विशेष राष्ट्रीय एकता कैंप च संबोधित कीता। अपने भाषण च एलजी होरें जम्मू-कश्मीर ते लद्दाख दे एनसीसी निदेशालय आस्सेआ जीवन भरे लेई कैडेटें गी मित्रता कायम करने ते बक्ख-बक्ख भाषाएं ते परम्पराएं दे बावजूद एकता बनाई रखने आली संस्कृति गी समझने लेई युवा कैडेटें गी मौके उपलब्ध कराने लेई सराहना कीती। उनें आखेआ जे विशेष राष्ट्रीय एकता कैंप कन्नै एक भारत श्रेष्ठ भारत दी भावना मजबूत हुंदी ऐ ते देश दे बक्ख-बक्ख हिस्सें दे 17 निदेशालयें दे कैडेटें च देशभक्ति, एकता ते निस्वार्थ सेवा च बाददा हुंदा ऐ। कैडेटें गी संबोधित करदे होई उप-राज्यपाल होरें जम्मू-कश्मीर प्रशासन दे युवा सशक्तिकरण दे पक्के इरादे गी दोहराया। उनें नोजवानें गी एनसीसी च शामिल होने ते समाज ते राष्ट्र दी

निस्वार्थ सेवा च मती गिनतरी च हिस्सा लैने लेई आखेआ। एनसीसी कैडेटें इस मौके पर भारत दी समृद्ध ते बन्न-सबन्नता कन्नै भरोची दी संस्कृति पर आधारित कार्यक्रम बी पेश कीते।

<><><><><><>

Chief Secy. JKSRTC

मुख्य सचिव अटल डुल्लू होरें जम्मू-कश्मीर बोर्ड ट्रांसपोर्ट कार्पोरेशन गी आखेआ ऐ जे सार्वजनिक सेवां च लग्गी दी गड्डिएं दी निगरानी च बाददा करिए राजस्व च बढ़ोतरी कीती जा। चीफ सैक्रेटरी होरें ट्रांसपोर्ट विभाग दे कम्मकाज दा जायजा लैने आस्तै लाई गेदी मीटिंग च एह निर्देश दित्ते। उनें ड्राइविंग लाइसेंस जारी करने च चिर लग्गने दा नोटिस लेंदे होई दस्तावेज जारी करने दी प्रक्रिया गी तेज करने लेई आखेआ। उनें ट्रैफिक नियमें दी उल्लंघना बार-बार करने आलें दोषिएं खिलाफ सख्त कार्रवाई करने दे निर्देश बी दित्ते।

<><><><><><>

DC Udhampur

उधमपुर च नशीले पदार्थें दी रोकथाम लेई कल जिला स्तर दी .. कमेटी दी मीटिंग लग्गी जेदी अध्यक्षता डिप्टी कमिशनर सलोनी राय होरें कीती। मीटिंग च उनें सरबंधित विभागें गी नशा प्रभावित लोकें गी नशाखोरी छुड़काने च मदद दे जत्न तज करने आला आखेआ ते इस कम्ममें च सलाह-मशवरा, जागरूकता ते दुए नशा विरोधी जत्न तेज करने दी सलाह दिती। अधिकारिएं गी तालमेल बदाने, नशीले पदार्थें दी सप्लाई चेन बंद करने ते नशा तस्करें खिलाफ सख्त कार्रवाई करने लेई आखेआ गेआ। डीसी होरें इस कम्ममें च प्रभावित परिवारें, अभिभावकें ते

नौजवानें थमां बी सहयोग मंगेआ। उनें आखेआ जे नौजवानें च नशाखोरी सामाजिक बुराइं ते अपराधें गी जम्न दिंदी ऐ।

<><><><><><>

Weather

भारती मौसम विभाग नै कल दस्सेया जे जम्मू संभाग च मानसून पुज्जी गेआ ऐ ते पैहली जुलाई तक्कर पूरे जम्मू-कश्मीर च पुज्जी जाग। जम्मू संभाग च अगले 3-4 दिन बड्डलै हल्की बरखा रौहग ते फेर बरखा च तेजी औग।

<><><><><><>

DC Kishtwar

किश्तवाड़ जिला प्रशासन नै कल डच्चन दी सालाना श्री हुद माता त्रिसंध्या यात्रा दी तैयारियें गी मुकदा रूप दिता। एह यात्रा 8 जुलाई कोला शुरू होआ करदी ऐ। डिप्टी कमिशनर डॉक्टर देवांश यादव होरें कल यात्रा दी तैयारियें दा जायजा लैता। उनें मुतल्लका मैहकमें ते प्रबंधक कमेटी दे मेम्बरें कन्नै बैठक दी अध्यक्षता कीती। डिप्टी कमिशनर होरें मुतल्लका अधिकारिणं गी यात्रा शुरू होने कोला पैहलें कीते जाने आहले कम्में बारै जरूरी निर्देश दिते। अधिकारिणं यात्रुणं दी सुरक्षा दे सहूलत गी यकीनी बनांदे होई व्यापक सुरक्षा बवस्था ते ट्रैफिक प्रबंध करने दा भरोसा दिता।

<><><><><><>